

麟書
楊帝海山記
楊太真外傳
竊憤錄
謝小娥傳

求心錄
楊帝開河記
高力士傳
南爐紀聞錄

中山狼傳
楊帝迷樓記
裴伯先別傳
御製紀夢



竊

憤

錄

續錄

辛棄疾 著

中
華
書
局

竊憤錄續錄

此據學海類編本
排印初編各叢書
僅有此本

竊憤錄

宋 辛棄疾 著

天輔十五年。宋紹興二年。歲壬子。或見帝在街衢開行。內一老叟自稱亦是京師人。與上皇話舊。云天城破日。爲虜流移至此。見太上皇。每每相對泣下。又言正月元夕。鼇山風景。午門外金盞賜酒。相持大哭。偶城中主者年老。胡官乘馬過其前。怒曰。安可放他于是處。乃以鞭犯上皇背。少帝亦遭恥辱。老叟惶懼。亦遭笞擊十餘。遂令左右復引二帝入一小室閉門。自此不容出入。無復到街衢。或日監者阿計替曰。今日城主老胡官已死。可再出遊。不妨縱步。民間無敢與帝語者。亦無敢供飲食者。問其前日老叟。則云死矣。至人靜處。阿計替于懷中出片紙。上書紹興二字示帝。曰。且喜江南漸平。以淮爲界矣。帝曰。紹興者何。阿計替曰。南朝新改年號。又曰。聞相殺尙未十分定。恐南朝不能復河南河北之地矣。帝曰。我在此思之。惟乞死矣。何暇更論此事。或日五國城新到同知。即金塔太守也。名曰瓜歐。自北京來。乃一少胡。列侍妾數人坐庭中。引二帝于庭下詰之。賜酒肉。曰。此地去燕京稍遠。可以保護你。自屏後呼其妻出拜二帝曰。此女汝家人也。婦人出拜。已衣胡服。二帝不能識之。乃云記得父是今上官家弟。不知爲何王名位。自此稍得其夫婦相顧。頗緩拘禁。或日有牌使至五國城。宣金國皇帝勅旨曰。契勘皇后趙氏已廢爲庶人。賜死。瓜歐妻趙氏是庶人親妹。及統國不律介妻。亦是庶人親妹。竝令賜死。令瓜歐夫婦拜命訖。婦人泣下如雨。其

夫亦泣下。牌使遣人以棒敲殺之。取其首去。瓜獸大哭。數日不止。自此復拘二帝如前。又戒阿計替善監視。但不知廢后之由。或曰阿計替得所聞事。白帝曰。先是南朝肅王女爲郎主妻。因妒忌已殺之。又以荆王女爲妃。生一男一女。今已立爲皇后。因在宮中與郎主共弈棋。言語犯之。郎主厲聲曰。休道我敢殺趙妃也。敢殺趙后。后泣下而起。衣冠待罪。金主怒不已。送入外羅院。卽宮掖閒囚所也。內侍雄喝利者。又譖后有私于人。又有怨言。又與韋夫人密語殿內。言訖泣下。每月朔望。焚香南面再拜。似此言二十餘事。金主遂大怒。賜死外羅院。以至與后族屬爲北京官妻者十餘人。竝賜死。故及瓜獸之妻。自趙后之死。上皇因拘繫日急。又慮朝夕不測。乃絞衣成索。經梁柱閒。欲自盡。少帝覺而持下。泣曰。不可如此。且臣子不孝無道。致君父至此。若陛下求死。臣何容于世。爲萬世罪人矣。監者或知之。以湯來飲。自此不能食者數日。旣困憊。雖便溺之往。少帝從行。況室中只可容二人。鄰近則譴衛所止。監者阿計替則時以寬容見勉。終不能食。日久臥室中土几上。阿計替時以不雲木煎湯饋之。云此中無藥物。有疾者但煎此木作湯飲之。自愈。其不雲木者。初生無枝葉。暗地中生。城北最甚。天氣晴和。則掘地求之。色如枯楊柳。大小如筍。蔓延數十步。屈曲而生。上皇服之稍定。又云。此木可以占病之吉凶。初煎沸湯數次。其木浮者病卽愈。沈者卽死。半沈半浮者病久不愈。或曰天氣凝沍。天雨雹。大者如鷄子。小者如彈子。盈地數寸。百鳥皆死。人避之不及。亦有少損。是日阿計替有疾。語不出口。昏默困臥。少帝憂之。令監者求不雲木。帝手自煎湯。有木浮于湯面。如旋狀不止。帝自持令阿計替服之。是夜出汗如雨。遂無餘疾。是歲金主賜到布帛等物。但冬月

極寒。必居土坑中容身。以避寒氣。天輔十六年。宋紹興三年。癸丑春正月。金主生辰。不賜酒肉。云郎主病免宴。或云郎主已歸天。或云王孫卽位。流聞不一。元宵亦不放燈。後一日大雪。中有電雹。俄頃雪止。又日蝕。至天地晦暗。經夕乃復。或曰天氣大和。阿計替曰。今日寒食節。金國例祭祀先祖。燒紙錢。埋肉脯。游賞野外。各在水際。我爲主者所戒。不敢放。二帝出外觀之。是日城中大火。屋宇焚蕩。皆盡。死者六十餘人。護衛人亡失大半。阿計替左臂亦糜爛。鬚髮皆焦。帝所居室燒及大半。帝與太上皇因火勢甚。手拆其窗。窗拆身亦有傷。衣服皆焦。二帝相謂曰。初見火起時。言願死于火中。及火至室前。如有人扶掖而出。竝不記拆窗之事。是日飲食都無。數日後方定。或日有甲兵至。自言從西明州來。知此處有火起。故來救援。斫採林木。營造屋舍。修葺如故。復立室宇。再作帝所居室等。阿計替因火焚損一臂。不可持物。少帝因火變亦疾。二指不可屈伸。或曰天大風。晝暝不見人物。天雨稗子如豆。地深數寸。不知何來。亦有磨而作食者。大火之後。非此不可養人。因知造物乘除。自有成理。不可以常情測也。或曰阿計替曰。此日乃十月一日也。我從二人。今已七年。何時復還北京。得見父母。今天氣漸寒。衣被又無。大火之後。爲之奈何。忽聞有新差同知到。乃一壯胡人。到官坐于庭上。引二帝至庭下。呼阿計替曰。朝廷令汝監守趙某父子。今已七八年矣。前日大火。莫是有的人生事。如此煞好公事。呼左右鞭背三十。阿計替叫呼不已。乃赦之。自此阿計替不復親近二帝。每對彼人則伴大罵。或日新差到者。命設酒肉。坐于庭上。若宴飲狀。酒半。有一奴自外突入。持刀徑升庭殺新差至者。斷其首。呼其衆曰。我有父曰遂碎。因小過爲他所殺。有母又爲所私。我又日受

他鞭笞不能堪其苦。其母自屏後出持刀入室盡殺其老幼有二十餘人自外入亦執其母并其奴斷首而出內中有一人云我本不至此緣趙某父子在此我等自燕京五千餘里遠來至遭此毒害今日若不殺趙某父子則他日不無損害平人我等亦無由回京今乘亂而殺之官家亦不罪我帝自室中聞之祝曰死且不怨但免兵爲幸二十餘人欲向帝室有一人止之曰不可若殺之我等安敢回北京莫若分十餘人持雙首以達西明州次日有一胡人引阿計替至室中謂帝曰昨日非我勸止汝與我衆人皆死是日阿計替之子竝其婦皆爲人所殺不知是何人蓋乘其亂也阿計替先因婦殺其弟故其婦又爲人所殺二帝緣前夕之亂驚悸愈不安有如風疾或日秋至阿計替共將羊尾緝絰命胡婦織以成服稍可禦寒而二帝每起居聞高聲大呼必震驚失措以爲人將害己阿計替時以不雲木煎湯上供然亦時時親來視帝是歲終亦如常年掘土坑以居飲食或有或無具載在前天輔十七年宋紹興四年歲在甲寅或日金主生辰已過例有少酒肉數日閒有虜人數輩盡白衣以布纏頭且白帝曰金國皇帝已歸天矣命左右及市民并二帝竝以白布纏頭且云二月十八日歸天立太子完顏亶爲君即位改元天眷有敕到此汝亦得少緩或日傳金主已葬訖新天子以兵五萬發二太子往河南取地界去先皇諡曰至聖文武大德聖皇帝廟號太宗或日有人走報主者云岐王到來請出城迎接良久岐王至坐庭上二帝自窗外望之堂堂然有人立室前曰此完顏亮良久使人引二帝至庭下面責曰汝南國人無道勞我師徒連年不息殺盡江南人盡取江南地卻來與你理會未晚呼左右曰且牽去牢固防護或日有衆人稱今朝十

月一日上皇感泣謂少帝曰不見天日八年矣視此身恐去死不遠難以復歸中原汝值壯年可勉強以祖宗基業爲念思雪父母之仇汝可與九哥二人兄弟共之言訖二帝竝泣下不止自此上皇又耳聾行步不前終日伏在土塌而已或日雪深數尺有使者乘馬過五國城自宣旨北國皇帝已滅南宋立劉皇帝爲君南朝人已爲大軍驅入海矣帝泣下移時不止相謂曰祖宗二百年基業滅于吾父子之手爲萬世笑踵跡懷慙不若矣天眷二年正月初有百姓扶老攜幼至五國城者數百人皆曰由燕京至此悉有罪之人流徙而來自此城中稍稍有經營人所至者流言已收復南朝康王已在燕京獄中吾等百姓皆是說南朝事者計會將合誅遭皇帝誕日赦得免罪流徙此地時有到官府中帝所居室前貨餅者言皆如此帝相謂曰前聞改紹興私自意曰非吉兆蓋刀居口上也或日春深草木不甚萌茂有一使到官府中呼二帝至庭下且宣旨北國皇帝新卽位已收得康王在燕京獄命曰趙某父子更移他往均州卻令康王入均州卽日發行次日出城時百姓皆在城外阿計替曰從均州去又五百里路極險惡然有人民千餘乃故契丹之福州緣京國破契丹日本州人不歸順舉兵圍之力窮乃降故改今名約行六十里日色已黑路不可辨狐狸悲嘯林麓間微風細雨殆不類人世隨行有三十餘人皆有斥責語但不甚明曉耳鬼火縱橫終無止宿處皆坐于地至天曉又行有齋乾糧者于路旁坎中取水啗之良久衆皆喉痛不能發言蓋爲其水所傷移時方退喉舌乃開二帝是日愈緩行至晚又如前宿于林中地皆磽确或有水澤草莽蔽野若非人所常行之路阿計替曰此恐非正路遂歷問從行人其中有一人曰我曾往均州此

非正路。乃僻惡小徑耳。遂復倒行。上皇不能徒行。少帝或負之。又三里許。方及正路。入一大林。涉水而過。乃得平正。其路甚廣。然其地皆是浮沙。每舉步。足必如行泥淖中。沒至踝。常不見足。時衆人皆失鞋履。帝及太上皇爲瓦礫所傷。血流趾間。苦楚不能行步。坐于小坡石上。日已晡矣。方上早食。迨至所經行一二十里。路中逢三五人。時有老番奴在路上。遇心疾而死。遂臥于沙中。衆人以手擁沙泥而去。如此行數日。只見天色陰晦。恍若重霧罩人。其氣入口。鼻中皆嗽。又出血。或日行次。見野雉二十餘隻。皆飛鳴于地。如爭食穀粒狀。視之。乃就食一蛇。已爲咀嚼。尚有七八尺。其首三岐。體皆青碧色。無鱗甲。頃刻啗啄。無復少爾矣。其雉飛鳴。更相鬬擲。或至死者。移時猶存。大雄雉出。衆餘死于地者十七八隻。忽中有一胡人。年十餘歲。手持一刀。與大雉高下飛逐。執之。斷其首。飲其血。遂巡皆分裂肚腹。手所持刀不落。俄頃其人自地升空。杳杳而去。左右皆驚愕。不知其爲何故也。初虜人見蛇雉鬬鳴。皆稽首北面再拜。數次乃舉取雉去。或日行至一古廟。無藩籬之限。惟有石像數身。皆若胡中酋長。鐫刻甚巧。有一人能言。此春秋時將軍李牧祠也。不知其建廟之因。其像堂前有井。皆石砌。其面瑩好如瑪瑙。其井相傳深百丈。每漢盛則井泉枯竭。胡盛則井泉泛溢。以土石投其中。則其聲如牛吼。其水能治病。其人曰。契丹未滅日。廟皆綵繪。屋宇甚壯麗。其毀拆已十年矣。我在幼時。見說此像乃唐朝諷利可汗。自長安攜石匠至此。采石作像。工甚奇巧。其隨行之人。各于腰下取皮袋。俛首取井中水。其水清澈。飲之甚甘。阿計替曰。水甘則金國福無盡也。二帝視神祝曰。金國之滅。井水可卜。傳聞九哥已遭繫縛。吾國已滅。未見的耗。若神有靈。容吾一占以見。乃

白神曰。吾國復興。望神起立。帝之意。蓋以中國不能復興。如神之不能立也。故有此祝。禱求之耳。良久石像間有聲如雷。身或搖振。如踊躍之狀。衆視之。起立于室中。紋理接續如故。衆大駭。帝遽拱手稽首。父子再拜稱慶。上皇謂少帝曰。吾父子倘有歸期。可一卜。少帝欲再卜之。從者促行。不果而去。或日行至一城。荒索間有屋宇市肆及官府。阿計替問隨行人曰。汝衆人中有五國城中人否。有即可前行。時有三人令前行。至庭下。見二三小兒立于庭上。皆衣毳衣。執弓矢。皆擊搏笑語。見二帝與衆人。循柱攀梁。忽爾不見。俄有胡官坐庭上。引見二帝。言語皆不可曉。少頃。帝出巡行街衢。似有疏散之意。飲食亦有可意者。是時日夕陰曠。未嘗和煦。歷數日。住在城中。其居民言語皆不可曉。其稱呼。惟有三人是五國城中。隨二帝及衆人至此地者。常以彼處人言語爲之釋。或日衆人及帝在市井間。見百姓十數人。皆彼土人。擊鼓揚兵。仗旗幟。牽二牛。上各坐一男一女。皆斷其首。以縛于牛背。流血滿身。有小兒首用索縛于牛項之下。云往官府祝神去也。帝相隨至官府中。庭下鳴鼓。拔刀劍互相鬪舞。請神祝禱。亦有巫者。綵服畫冠。振鈴擊鼓于前。羅列器皿布地。請爲首者皆跪膝胡拜。言尤不可辨。少頃就牛上。取男女于地。復碎其肉。列器皿中。又庭下刺牛血盛器中。其男女首。乃于庭上梁間作聲如雷。有小兒三人。自梁上棟中循柱而下。弓矢在手。跳躍笑語。皆毳衣。跳足近視之。竝有三口。取器中血。舉而飲之。其庭下鼓聲大作。遂巡食其半。鼓舞大喜而不食。徑趨于二帝前拜伏。如小兒見長者之狀。移時不起。少帝答拜之。上皇不見。少帝乃語之。禮畢。又欲回身走避。其小兒與身復升庭循柱。于梁間作雷聲。遂不復見矣。彼人皆向帝作言語云云。然不可

辨五國城人解曰。我祀此神數世于此地。未嘗有此歸伏之禮。有如此之敬。帝必天神也。遂以其血并肉作食。衆啖之而去。帝問阿計替曰。何神。云。胡中妖神。每歲兩祭。率用人牛。每喜則風雨及時。怒則風雨失候。常執人以口齧肉吸血而止。今拜于帝前。可知大王自有無窮前途也。或曰。有人持食一器。曰。此是均州所產稻米也。視之堅硬如麥飯。內有雙仁。嚼破食之。數日不饑。腹痛泄瀉。久而方定。上皇食之。手足輒弱。不可行步執物。其人說此物初生。多在沙磧中。苗如蘆葦。高七八尺。暑甚結穗。每穗約有一二合。外有黑殼。用木棒打開。取仁食之。彼處人呼曰沒加。又有茶朮草。其樹高三尺。葉如南棟花而紫色。皆有白黃點。花開四出。其大如手。碧色。或有八出者。其結實大如拳。熟便可食。其甘如蜜。彼人呼曰茶朮子。又有野患草。生布盈野。如南方艾蒿之屬。彼人種而方生。採以爲茹。至夜無燈。惟此城中北大石坑中水漬沒加及茶朮野患草三種。其水稠如南方之油。冬開大雪。尤有彌漫廣野。經旬不止者。人皆入土坑中踰伏。居止。布沒加諸草苗于其中。自然溫暖。其他異于人世者不一。今不復錄。大約皆淫隱事也。二帝凡在均州經夏及冬。上皇疾甚。不食已旬日。不復有藥。彼中疾者。取茶朮子啖即愈。少帝使人求之。去皮。令上皇啖之。云苦吐出。不及下咽。而喉間已成瘡。疾布滿。又爲從行人移置溼地泥淖中居止。因此大困。天眷三年。宋紹興六年。歲在丙辰正月旦。彼處相賀。但二人相見。以手交腋。歌舞笑語爲禮而已。元宵亦有燈。以坑水漬沒加茶朮子。以苗莖爲炷。而然之。是日其宅令男女合婚。皆以高低色澤相等者爲偶合之式。會于城北大澤間。從民便自配之。仍于其地即便交加事畢。男負女而歸。或日梅尋部大王來均州。市易打搏。

至其人約十餘。皆褻衣跣足。言語不可曉。物亦不可名。其人市易罷。殺牛馬。與均州人同飲其血。以代酒也。食牛皮者如啖藕蔗。復以物兩篋送官而去。或曰。早少帝自土坑中。顧視太上皇。則僵踞死矣。少帝哽咽。不勝其慟。阿計替勉帝曰。可就此中埋藏。問鄉俗。乃云。無埋瘞之地。此地死者。必以火焚屍。及半燼。以杖擊之。投州石坑中。由是此水可作燈油也。語未已。隨有人已白官府。乃引彼土人五七人。徑入坑中。以木共貫上皇而去。少帝號泣從之。直至一石坑之前。架屍于其旁。用茶脯及野蔓焚之。焦爛及半。復以水滅之。以木杖貫其尸。曳行棄坑中。其屍直下至坑底。少帝止之不可。但躑躅于地大哭。已而少帝亦欲投坑中。左右拽其裾止之。曰。古來有生人沒死于中。不可作油。此水頓清。爭力挽之。少帝究其日月。則天眷三年三月六日也。初上皇崩時。年五十四。遺言欲歸葬內地。郎主不許。時兵部侍郎司馬朴與奉使朱弁在燕山聞之。共議制服。弁欲先請。朴曰。爲臣子聞君父之喪。當致其哀。尙何請。請而不許。奈何。遂服斬衰。朝夕哭。爲文以祭。有曰。歎馬角之未生。魂消雪窖。攀龍髯而莫逮。淚洒冰天。金人義之而不責。洪皓在冷山聞之。北向泣血。往燕山。建道場于開泰寺。疏曰。千年厭世。忽駕乘雲之仙。四海遏音。同深喪考之戚。況故宮爲禾黍。改館徙饋于秦牢。新廟游衣冠。招魂漫歌于楚些。雖置河東之賦。莫止江南之哀。遺民失望而痛心。孤臣久熱而嘔血。伏望盛德之祀。傳百世以彌昌。在天之靈。繼三后而不朽。金人讀之。亦爲墮淚。爭相傳誦。俗重忠孝。不以爲罪。先是上皇尸投坑中。事畢。阿計替與衆人促帝行甚速。或曰。有牌使至州。引帝至庭下。乃宣聖旨曰。天水郡公趙某。比聞已死。其子天水侯。可特與移住源昌州。聽命。少帝聞之大

哭。阿計替曰：且喜。帝曰：何以爲喜？阿計替曰：此地去源昌州六百里，卻是南地。若去燕京稍近，此乃郎主知上皇死，故將大王移入近地也。來日遂起發均州，從西南去。隨行人比來時又死及半，止有一十三人。內人死亦皆焚棄坑中。此行少帝與阿計替并衆人共十五人而已。帝日日哭泣不止，衣裾破敝。隨行人及帝皆如鬼形狀。所行之路，猶平坦好行，非昔日往來之路矣。亦有人物居息，路傍閑花野草，生花皆有青白二色，合成一花。日夕所食皆乾糧，或日至一河水不甚深廣，遂于下流淺水中，衆人涉水。時帝及人從皆洗足。阿計替曰：今路已近南，稍稍可行。問問於人，言去北京爲正路。惟大王勉之。帝曰：千辛萬苦，父母妻子俱死，一身伶仃孤苦，獨在，不死何爲？倘非國皇帝恩造，早賜誅戮，亦猶生耳。庶免如此勞苦。自東京至此，跋涉已六千里路矣。阿計替曰：幸我隨行，若他人則大王已死久矣。帝曰：所苦者上皇崩非其地，投棄坑中，不幸之大。阿計替曰：勿思可也。其路途閒，亦時有人往來，皆胡人也。或日登一小山坡，引領南望，塵埃竟天。帝曰：我見此塵埃，精神已折喪。在雲州五國城，兩三次驚惶不已。左右曰：此北國同知出獵也。時天氣頗和，近四月天高日明，狐兔縱逸，皆出坡下，觸石而死者三四頭。人從或取之，以刀刮石取火，以草焚之，用狐腸胃炙而食之。從此又行五六日，達源昌州，或日入城，見其邑甚壯，其同知乃是阿骨打從兄孫，名赤黎喝。阿計替引帝至庭下見之。少帝視其人，紫納金帶，左右列侍三十餘人，而顏瑩白如婦女之姿，極爲俊麗。謂少帝曰：汝南朝少帝乎？遠來辛苦，帝唯唯。又曰：聞汝父母皆死，北國皇帝故推恩移汝在此，無苦煩惱。命左右以杯酒、樹肉賜帝，與同食于廡下。食畢，赤黎喝召帝至前，詰問曰：汝年若干，而

頭白若此。帝曰。某年三十六。而跋涉數千里外。安得而不頭白乎。時帝髭長數寸。赤黎喝云。吾北國太祖。皇帝在日。與契丹不足慮。地爲其所併。故銳意欲滅之耳。豈敢望宋南朝。而汝國中賊臣不順天命。妄與吾家自結邊釁。奸邪間諜。以至于此。而固不可解矣。今皇帝是我姪孫。此間有兵萬餘。鎮守此地。汝但安心莫憂。令引帝出居一小室。其中有牀褥。但日夕所食粗糲。乃與阿計替同宿。阿計替曰。賴得同知見大王甚喜。且安心。恐別有移南之理。時天眷三年四月二十八日也。凡在源昌州居止經年餘。至天眷四年冬而止。

竊憤續錄

金國天眷四年歲在丁巳。是爲宋紹興七年也。十一月十日戊戌。金人廢僞齊劉豫爲河南道行臺。傳送燕京。囚于相王寺。仍殺其子劉璘。劉珪於相郡。遂召天水郡侯趙某於源昌州。西行二日抵鹿州。三日抵鹿水。舟渡而南。七日抵壽州。行二日至易州。所經行路皆荆棘。大路頗平易行。每州各有同知。如州縣俱有軍民市井。所至州郡。間有遣帝衣服。有饋送帝飲食。所行隨護一十七人。自起源昌州行六十里。是晚宿于野林中。飲食亦微有乾糧等物。是夕有大月出自天東。陰晦中雖有光而不能照。阿計替曰。今日月盡。那得有月。俄大月之下。又有一月相似。中發紅光。亘天數十丈。其聲如雷。是月乃郎主殺陳鄭二王之應也。十二月行次。雪大作。平地數尺。有野鳥數百。爭飛雪中。如雀鴿狀。視其地有死狸兩頭。在雪中良久。羣鳥食狸之肉殆盡。皮毛無餘。其羣鳥伏地皆化爲鼠。皮毛紛落。走入雪中土內。皆不見。其變未全者。尙餘鼠首鳥翼。宛轉雪中。隨行中有一人曰。此土有此物。遇雪中若食狸者。皆化爲鼠。能穴地數十丈而去。或日行次。帝足開出血不止。行不能進。痛不可忍。中有一人名阿父董。以小刀于帝足間。刮去一片如錢大。曰。若不如此。良久必潰此足。緣此沙中有蟲入肉中作毒故也。或日有一將軍領兵數百。云自黃龍府來。往北京。麾下人備言其勇。皆駐一鎗于地。謂能出者。以兄呼之。盡數百人。莫能出之者。其人但以兩手指出之。衆服其勇。問其名。則曰阿祝務里也。又能夜入他軍中。見物如白日。由是殺人。人莫敢施其勇。帝

與諸人立路傍林中。俟其過而後行。或日行至鹿水。水至深而碧色。無上下源流。云其水自地中出。亦自地中涸。呼舟而渡。闊約五丈。水中生螺如拳大。深紫色。人或採而食之。岸邊生草如蒲。色黑如漆。甚柔韌。可採而食之。岸人緝以爲布。如南方木棉布相似。其水中有魚如鱸魚。碧色有二足。能鳴如鷄聲。捕者用長竹上安鐵叉刺之可得。土人云可生啖。如南方食鱸魚云。或曰次壽州。見同知。乃云是真定府人。大觀中爲軍于安肅軍。犯法避罪。北入契丹。以財上金主。見帝亦慰勞。自云大觀中北走至此。幾二十年矣。亦頗有酒肉少許。阿計替與之言語甚愜和。是晚宿于壽州之官舍左廡下。夜及半。聞室中有歌聲。帝謂阿計替曰。此間亦有人會歌唱。柳耆卿詞。雖腔詞不成。亦何由至此。泊明日。同阿計替詢問爲誰。其人姓斛律名思乃。詢問昨日所唱女子。且曰。金主皇帝所賜婢妾。問之乃東京百王宮相王女。今年已十七矣。甚婉美。昨日唱罷。亦語吾曰。前面宿的官人。好似我家叔。我答云便是南國官家。其女悲泣。至今不已。帝聞之亦爲泣。左右促行。乃出城。是日宿于城外一寺中。視其殿像俱無。惟石刻二胡婦而已。無諸供養。空寺闐然。是夕微有月。暗中鬼火縱橫。百十爲羣。分而復合。或曰天氣和煦。所行路中。青草夾路。雜以野花。皆紫色。路之左右。亦有畊者。其牛皆不甚大。而白者尤多。角反如羊。見諸人至。有獻酒食者。云此地有神。明事之最靈。每遇有貴人到此地。其神必先期一夕報之夢中。云來日有貴人自何方至。故吾等備酒肉出獻。昨夜夢中來報云。明日有天羅王。自東北而來。衣青袍。從者十三人。是阿父遣來路上祇候。有酒肉來獻。阿計替并受之。帝謂曰。汝神在何地。民引手指示曰。山阜間有屋三間是也。帝與阿計替共往。入門如